

clarati nel presente ordine, proceder contra i delinquenti ad condemnation, *cum* el modo soprascrito de privarli per anni do al più del nostro Mazor Consejo, e fin ducati 100 di pena da esser scossi per loro, *ut supra*, et questo in caso che siano concordi; et non essendo, possino, come è dicto, far quel medemo con li Consigli, *ac etiam* possino *cum* li Consigli proceder a major et più grave pena, justa la qualità de li delicti, come a la justicia parerà, havendo circha le preditte cosse et tute altre che de tempo in tempo serano a loro commesse, la istessa auctorità che hanno li Avogadori nostri di comun, salva sempre la auctorità de epsi Avogadori.

Et *ulterius* possino meter parte nel Consejo nostro di Pregadi per dichiarir et proveder circha le materie a lor commesse quanto li parerà, et tute le condonation, che per loro de tempo in tempo saranno faete, le debano far stridar *immediate* el primo Mazor Consejo subseguente.

Sia deputado, per el Colegio nostro, a' dicti do Censori, loco idoneo a San Marco, che parerà conveniente, et possino elezer uno nodaro de la Canzelaria nostra, el qual haver deba ducati 5 per cento de tutte le condonation che per l'oficio suo saranno scosse, si de quelle spectasseno a li Censori, come de quelle de l'acusator e denontiator. Et *similiter* possino elezersi duo fanti con ducati do al mese de salario, el qual li sia pagato de ogni denar de la Signoria nostra, i qual fanti haver *etiam* debano do per cento de le condonation preditte; *hoc declarato*, che 'l salario de li dicti Censori et fanti, et ogni altra utilità de condonation, over de altro che haverano, non li possi esser tolta, nè per alcun modo diminuita, nè per parte de la mità del netto, nè per alcuna altra parte general over particular che si mettesse; le qual parte non se intendino far pregiudizio alcuno a l'ofizio preditto; *hoc etiam addito* che a li condenati per li prefati Censori, come de sopra è dichiarito, non possi esser fata gratia alcuna, nè per li Censori prefati, nè per altri, soto pena de ducati 500 d'oro a chi metesse parte de farli gratia over remission alcuna; nè *similiter* la pena pecuniaria possi esser remessa ai delinquenti per li do Censori, nè donata, nè in tutto, nè in parte, sotto debito de sacramento; anzi li debano *immediate* mandar debitori a palazzo, et non possino esser depenadi senza boletin de li Censori prefati, che fazi fede de la satisfazione; nè possino esser provati in loco alcuno fin starano debitori, nec *etiam* nei lochi et officii dove non se guardano debitori, possendo et dovendo usar ogni altro mezo per la exation de le preditte

pene; le qual, se non serano pagate da li condenati in termene de mesi tre, siano obligati pagar 50 per 100 più, et li prediti Censori li debano mandar debitori a palazzo de la dicta quantità. Et se le dite pene non serano scosse per li dicti Censori in termene de tre altri mesi subseguenti, possino esser scosse dai Avogadori de comun et capi di Quarantia et da cadaun de loro, senza altro Consejo, *videlicet* da chi *primum* sarà facta la exactione. Et dictie pene siano libere de quelli over de quello che le scoderà senza alcuna contraditione, dechiarando che la presente parte non se intendi principiar haver execution salvo da poi serano stà electi li do Censori.

*Verum*, la presente parte non se intendi presa se la non è posta et presa nel nostro Mazor Consejo, et siano ubligati i Consieri, sotto debito de sacramento, meterla el primo Mazor Consiglio.

† De parte 99.

*Die 13 dicto in Majori Consilii:*

De parte . . . 810

De non . . . 461

Non sincere . 10

*Electi, die 14 dicto,*

Sier Gaspar Maripetrus.

Sier Marcus Foscarus.

*Exemplum.*

376

*Sier Bernardus Donato caput de XL, sier Lucas Trono, sier Andreas Trivisano eques, sapientes Consilii.*

Essendo stà, per li majori nostri, de tempo in tempo provisto in la materia de le pregerie, con molti ordeni conformi a questi hora letti, superfluo è far novo magistrato con spesa di la Signoria nostra, et però l'anderà parte che, salve et riservate tute parte et leze che parlano in questa materia, per autorità de questo Consejo non se deba far novo magistrato, ma cometer tutti li ordeni de la parte hora lecta a li Avogadori nostri di comun con le stretture in quella contenute, excepto dove la parla de andar per *viam inquisitionis*; essendo ubligati li diti Avogadori, sempre quando se farano election in questo Consejo, dar sacramento a quelli venirano a capello che serverano la parte de le pre-